

**CLIII.**

*Lettre du Prince d'Orange au Magistrats d'Ypres.*  
— *Même sujet que le N° CXXVII. (Arch. Y.)*

1579  
27 Avril.

Messieurs, je vous ay escript naguerrres que vous eussiez a laisser suivre certains lits et aultres meubles appertenans a madame de Messine pour les transporter de v̄re ville d'Ypres jusques a L'isle pour s'en servir en ses necessitez. Et d'aultant que je suis informe que nonobstant mes precedentes vous en eussiez fait difficilte a lad<sup>te</sup> dame, vous ay bien voulu faire ceste vous priant qu'en consideration de laffection particuliere que j'ay de gratifier lad<sup>te</sup> dame et mesmement pour ses bonnes et vertueuses qualitez vous ne fassiez plus nulle difficilte au luy laisser suivre telles meubles qu'elle demandera et scaurez luy appertenir sans aucun aultre refus delay ou empchement. En quoy me ferez plaisir bien agreable. Et ne servant ceste a aultre prieray Dieu vous donner

Messieurs avec bonne sante heureuse vie et longue. d'Anvers  
le 27 d'apvril 1579.

« V̄re bien bon amy a vous faire service »

GUILL DE NASSAU.

A Messieurs  
le Gouverneur Bourgm̄es Echevins et  
gens du conseil de la ville d'Ypres.

